

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-04-1018/22-AP-7
Datum: 31.03.2022. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09) i člana 25. Statuta Općine Zavidovići („Službeni glasnik Općine Zavidovići“, broj: 5/08, 5a/08 i 11/19), Općinsko vijeće Zavidovići na 15. sjednici, održanoj dana 31.03.2022. godine, donijelo je:

ODLUKU

o izmjenama i dopunama Poslovnika o radu Općinskog vijeća Zavidovići

Član 1.

U Poslovniku o radu Općinskog vijeća Zavidovići („Službeni glasnik Općine Zavidovići“, broj: 7 /14 – prečišćeni tekst, 8/14, 9/14, 8/18, 8/19 i 4/21), član 60. stav 4. mijenja se i glasi: „Materijal za sjednicu Općinskog vijeća dostavlja se svakom vijećniku u elektronskoj formi i objavom na službenoj Web stranici Općine.“

U članu 60. iza stava 4. dodaje se novi stav 5. koji glasi: „Set printanih materijala dostavlja se svim političkim strankama - partijama zastupljenim u Vijeću, predsjedavajućem Općinskog vijeća i Općinskom načelniku.“

U člana 60. stav 5. postaje stav 6.

Član 2.

U članu 92. stav 2. iza riječi „poimenično“ briše se tačka i dodaju se riječi „ili elektronskim putem“.

Član 3.

Iza člana 92. dodaje se novi član 92a., koji glasi:

„Član 92a.

Elektronsko glasanje vrši se uz podršku elektronske opreme i računarsko-informacionog sistema i pritiskom na odgovarajuću tipku.“

Član 4.

U poglavlju VIII - ODNOS VIJEĆA I OPĆINSKOG NAČELNIKA, u tački 2. koja glasi: „2. Vijećnička pitanja“, iza riječi „pitanja“ dodaju se riječi „i inicijative“.

Član 5.

U članu 167. stav 1. koji glasi: „Vijećnička pitanja i inicijative se podnose predsjedavajućem Vijeća na početku sjednice, a nakon usvajanja zapisnika.“, mijenja se i glasi: „Vijećnička pitanja se postavljaju predsjedavajućem Vijeća na početku sjednice, nakon usvajanja zapisnika u pisanoj formi, a on ih prosljeđuje Općinskom načelniku ili subjektu kojem je upućeno.“

Član 6.

Iza člana 171. dodaje se novi član 171a., koji glasi:

„Član 171a.

Vijećničke inicijative se podnose predsjedavajućem Vijeća na početku sjednice nakon usvajanja zapisnika u pisanoj formi, a on ih prosljeđuje Općinskom načelniku ili subjektu kojem je podnesena.

Vijećnička inicijativa se podnosi u pisanoj formi sa obrazloženjem, a u koliko su za realizaciju inicijative potrebna finansijska sredstva, inicijativa mora sadržavati prijedlog njihovog obezbjeđenja.

Vijećnik koji podnosi inicijativu može obrazložiti inicijativu u trajanju do tri minute.

Po vijećničkoj inicijativi pribavlja se mišljenje Općinskog načelnika.

Nakon dostavljanja mišljenja o prihvatanju inicijative, Vijeće se bez rasprave izjašnjava o istoj.

Ukoliko je dostavljeno mišljenje da se inicijativa ne prihvata, predlagač inicijative se obavezno izjašnjava da li povlači inicijativu, u vremenu do tri minute. Ukoliko predlagač ne povuče inicijativu, Vijeće se bez rasprave izjašnjava o istoj.

U koliko je dostavljeno mišljenje da je inicijativa realizovana ili je realizacija u toku, odnosno da u skladu sa stavom (2) ovog člana ne sadrži prijedlog obezbjeđenja finansijskih sredstava za realizaciju predmetne inicijative, Vijeće se ne izjašnjava o istoj.“

„Član 171b.

Na sjednici Vijeća, po tački dnevnog reda vijećnička pitanja, inicijative i odgovori, vijećnik može govoriti do dva minuta po vijećničkim pitanjima i do tri minute po vijećničkim inicijativama, što ukupno iznosi pet minuta po vijećniku na jednoj sjednici, bez obzira na broj postavljenih vijećničkih pitanja i inicijativa.“

Član 4.

Ova Odluka stupa na snagu prvog narednog dana od dana objave u „Službenom glasniku Općine Zavidovići“.

**PREDSJEDAVAJUĆA
OPĆINSKOG VIJEĆA**

(M.P.) mr. iur. Erna Merdić Smailhodžić, s.r.